

Wie mache's de die Zimmerlüt

Wie ma - che's de die Zim - mer - lüt? Un e - so ma - che
 sie's: Sie hau - en ab e chli - ne Spon u heu - sche de-n - e
 gro - ße Lohn. Un e - so, un e - so, un e - so ma - che sie's!

1. Wie mache's de die Zimmerlüt?
 So mache sie's:
 Sie haue ab e chline Spon
 U heusche de-n-e große Lohn.
 So mache sie's
2. Wie mache's de die Muerlüt?
 Der Murer dä schlot Dräck i's Loch,
 U preicht er's nid, so tätscht er doch.
3. -- die Schuesterlüt?
 Sie chlopfe's Läder uf em Stei
 U näh kes enzigs Bitzli hei.
4. -- die Schniderlüt?
 Sie blose d'Chnöpf a Hosegurt
 U ruumme nie ke Räste furt.
5. -- die Pfisterlüt?
 Zieh 's Brot usem Ofe, eh wie bhänd:
 Der Rauft verderb eim ume d'Zähnd.
6. -- die Schmittelüt?
 Sie schlöh en alte Nagel i
 U sägen es sig e neue gsi.
7. die Wirtshuslüt?
 Sie bschließe si z'Nacht i Chäller i
 U lüttere dertder Märitwi.
8. -- die Burelüt?
 Die Harzer Bure si wüesti Lüt,
 Sie frässe die Rüeben u schäre se nüt.
9. -- die Jägerlüt?
 Sie borge kem Has vo frueh bis spät,
 U wenn er es Scheubeli anne hätt'.
10. -- die Schriberlüt?
 Sie setzen es Tüpflí uf en I
 U schriben es Fränkli Chösten i.
11. -- d'Schuemeisterlüt?
 Sie si gar grüsli schrökli glehrt
 U mache nüsti d'Sach verchehrt.
12. -- die Pfarrerlüt?
 Sie hasple de Faden ums Chanzelbrätt,
 We nume der Haspel eh chlepfe wett!
13. -- die Herelüt?
 Si löh all Gatter offe stoh
 U flachse dur Gras u Gwächs dervo.
14. -- die Wiberlüt?
 Gäll Hans, du rurist all Lüt a,
 U sparst mir de-n-e freine Ma?
 So möchti sie's.

Str 5. eh wie bhänd: eher als behend, also = schneller als schnell. Str. 9 borge: schonen.